



Kajitōk ko Rekut kin Wā in COVID-19 ñan ro 5-11 Aer Yiō *(Emōj kōkkāāl melele 11-03-2021)*

K: Wā ta eo emōj kōmelim ñan ro 5-11 aer yiō?

Juon mōttan wā in COVID-19 eo an Pfizer an ajiri emōj kōmelim ñan ajiri ro joñan yiō ko aer ej 5 ñan 11.

K: Mōttan wā eo an ajiri ruo ke alen bōke?

Aet. Wā eo an ajiri ruo alen bōke jinointata aikuj lelok 3 wiik alikin doon.

K: Ta oktak eo ikōtaan wā eo an rūtto an Pfizer im wā eo an ajiri?

Wā eo an ajiri ej 1/3 in wā eo an ro 12 im rūttolok. Wā eo ñan ro 12 aer yiō im rūttolok ej 30 microgram in wā eo. Wā eo an ajiri ej 10 microgram.

Oktak ko ikōtaan wā in COVID-19 eo an Pfizer an rūtto im ajiri		
	Joñan yiō 12 im rūttolok	Joñan yiō 5 ñan <12
Kalor in mejan bato in wā	Biolet	Oran
Wā	30 microgram	10 microgram
Joñan kajojo bato alikin an karre aebōj	6	10

K: Joñan wā eo an rūtto emaron ke jermal ñan waiki ajiri ro 5-12 aer yiō?

Jab. Taktō ro rej aikuj kōjermal wā ko an ajiri ñan ajiri ro 5 ñan 11 aer yiō. Wā eo an ajiri ej bar itōk kin kein wā ko an ajiri rej mennin aikuj.

K: Ia eo ajiri remaron wā?

Ajej eo jinointata ilo state an wā eo an Pfizer an ajiri ear jino jilkinlok ñan Oregon ilo wiik eo kiō im enaj woñmaanlok. Ilo wiik ko rej beddo tōk, jikin wūno ko, jikin ejmour ko emōj an federal kili, obj ko an taktō, im jejetin jikin wā ko an COVID-19 renaj bojak in wā ajiri. Kūrlok taktō eo am ñe ejab kōjermal Get Vaccinated Oregon [mab in Kabōk Wā](#) ñan bukōt juon jikin wā iturim ewōr an wā ko an Pfizer ñan ajiri. Kwōmaron bar kūrlok 211.

K: Jikin wūno ko remaorn ke waiki ajiri ro rediklok jen 12 aer yiō?

Director eo an Public Health an state ear lelok juon kakien ej kōmelim an jikin wūno ro ilo Oregon lelok wā eo an COVID-19 im wā in būlu ko, ñan ajiri ro lok ñan 3 aer yiō. (Wā eo an COVID-19 emōj kōmelim ilo ien in ñan ajiri ro 5 aer yiō im rūttolok). Jikin wūno ko rej ebōk rinañinmij ro an Oregon Health Plan (OHP) renaj karool lok wonnen waiki ajiri ro lok ñan 3 aer yiō ñan wā in būlu eo im lok ñan 5 yiō ñan wā eo an COVID-19.

K: Ta abnōnō ko alikin wā emōj rekooti?

Abnōnō ko alikin wā ewōr ilo rekoot ko rej einwōt juon ñan jodikdik im rūtto: ekkā an metak jikin eo rar wakare, mōk, metak bar, im metak majel. Abnōnō ko alikin wā rejeja einwōt myocarditis (ebboj majel in menono) rar jab loe ilo katak ko rar kōmman kōmelim, im emōj katmane rejeja einwōt ibben lillab im lollab ro.

K: Ta oktak eo an wā in būlu ilo joñan jejjetin an jermal?

Wā ko aoleb elab an jejjet aer jermal ñan kejbarok ajiri jen nañinmij. Wā eo an COVID-19 elab an kajur an kōmman anitbody ko im emōj loe 90.7% an jejjet an jermal in bōbrae COVID-19 ibben ajiri ro 5 ñan 11 aer yiō. Wā eo an būlu ej oktak kajojo yiō ñan janiji kij in būlu ko rej katmane aer ito tak. Jejjetin an jermal emōj katmane ej 40% ñan 60% ibben aoleb armij. Ekkar ñan [CDC](#), juon katak ilo 2014 ear kwalok ke wā eo an būlu ear kadiklok uwōta in ajiri deloñ ilo jikin bōk kōmadmōd kin nañinmij kauwōtata kin 74% ekkar ñan melele ko an 2010-2012. Juon katak an 2017 ilo beba in katak ko kin Ajiri ear kwalok ke wā in būlu ear kadiklok uwōta in mij ikijen būlu kin 51% ibben ajiri ro ewōr kadede aer nañinmij, elablok uwōta kin nañinmij im tarrin ruo mōttan jilu (65%) ibben ajiri ro rejmour.

K: Ewi wāween an wā eo an COVID-19 jelōte ajiri ro ewōr kadede aer nañinmij?

Emōj rōjañ an taktō ro etale jejjetin wāween keij in taktō ko ibben ajiri ro ewōr kadede aer nañinmij, ekoba ro ewōr melele maanlok kin an wōr aer myocarditis (ebboj majel in menono) ak nañinmij in ebboj iloan enbwin (MIS-C). Lomnak ko ilo katak in wūno ko an CDC ikijen an jermal wā eo ibben kumi in armij rein kwōmaron loe [ijin](#).

K: Abnōnō ko alikin wā rej ke walok iomwin ien aitok?

Melele jen wā ibben jodikdik rejañin kwalok elab uwōta kin abnōnō ko aitok aer walok. Eiten aoleb abnōnō ko jen wā ko rej walok jet raan tokelik im elabtata jiljino wiik alikin ien wā. Ejellok ajiri ewōr an kar myocarditis (ebboj majel in menono) alikin an wā emōj an mij jen abnōnō in ejeja an walok.

K: Ta melelein emōj kōmelim ilo idin ien im kōmelim jen ibben FDA?

Kōmelim ilo idin ien ej juon madmōd im FDA emaron kōmman an mokajlok an wōr wāween kejbarok ko ak jermal in jibañ ko ewōr im oktak jen madmōd eo ekka ñan aer kōmadmōde idin jorrāān eo an public health. Emōj kōjermal wāween in jen 2001 kin kōmelim eo an wā eo an Anthrax.

K: Etke ij aikuj bōk uwōta ñan ajiri eo neju kin wā elañe elukkun dik an walok jorrān kin COVID-19 ibben ajiri?

Emōj an COVID-19 juon wūn eo elab ej kōmman an ajiri mij. Wā eo ej kejbarok ajiri jen nañinmij kauwōtata, deloñ aujbitol, im mij jen COVID-19. Ilo Amedka, jen Oktoba 17, 2021, 1.9 milien keij in COVID-19, 8,300 rar kobalok kin deloñ aujtbiol, 2,316 keij kin Nañinmij in Ebboj Eloñ Jikin iloan Enbwin ibben Ajiri (MIS-C), im 94 mij ko ikijen COVID-19 emōj ripoot ibben ajiri ro 5 ñan 11 aer yiō. Ilo Oregon jen Oktoba 31, 2021, 26,370 keij in COVID-19, 240 rar deloñ aujbitol, im 2 mij emōj ripoot kaki

K: Jejet ajiri joñan yiō ko aer 5-11 rar koba ilo katak ko an wūno?

CDC ej ripoot ke kejbarok eo an wā in COVID-19 eo an Pfizer im an ajiri emōj kar katak ibben tarrin 3,100 ajiri ro joñan yiō ko aer ej 5 ñan 11, im ejañin kar loe ke ewōr abnōnō ko rekauwōtata ikijen wā eo ilo katak eo ej woñmaanlok. Ñan rainnin ilo Amedka, tarrin 57% in jodikdik ro joñan yiō ko aer ej 12-15 im 64% ro 16-17 aer yiō emōj aer wā kin mōttan wā eo an rūtto an Pfizer ñan COVID-19.

K: Ta uwōta kin myocarditis (ebboj majel in menono) jen wā eo ibben ro 5-11 aer yiō?

Uwōta jen wā ikijen myocarditis (ebboj majel in menono) ilo kumi eo joñan yiō ko aer kein emōj lomnak ediklok jen uwōta eo emōj loe ibben kumi ko rerūttolok. Kumi eo elabtata joñan uwōta ñan bōk myocarditis (ebboj majel in menono) ikijen wā ej jen wā eo kein ^{karuo} ibben likao ro joñan aer yiō 16-17 im emōj an 1 keij ñan kajojo 14,500 armij. Ediklok uwōta ibben likao ro ilo joñan yiō ko jet, im lablok an dik ibben jiron ro. Uwōta in bōk myocarditis (ebboj majel in menono) jen nañinmij in COVID-19 elablok.

K: Ajiri eo neju ej ke aikuj wā elañe emōj an kar bōk nañinmij in COVID-19?

Aet. Ewōr jidik an enbwinid make kein bōbrae bōtab ejab aoleben joñan kein bōbrae, im ej woñmaanlok an ajeeded COVID-19 ibben kumi ko rej joñan yiō kein jekdoñ elab joñan ajiri ro rar bōk nañinmij eo moktalok; juon wā an COVID-19 ej lelok bar juon kein kejbarok eo elablok im emōj kamool ej jermal.

K: Ajiri eo neju emaron ke bōk wā in būlu im wā in COVID ilo juon wōt ien?

Aet. Wā ñan nañinmij kein ruo aurok, im aer lewaj wā ko ibben doon ekkā an jab kar kōmman an lablok abnōnō ko rej walok alikin wā ak kadiklok am maron bōbrae jen nañinmij.

K: Ewōr ke jorrān iomwin ien aitōk ñan an ajiri bōke wā eo? Wā ko rej ke jañiji DNA ak jelōte kobban enbwin ko ad rej kōmman niñniñ?

Wā ko rejab jelōt DNA. Melele kin wā eo an COVID-19 ibben eloñ kora, ekoba ro rebōroro, ejañin kwalok ej jelōt an kora maron bōroro ak an mij niñniñ ko lojeir.

K: Enaj ke wōr wōt wā eo an ajiri?

Emōj katmane an bwe wā ko ilo Oregon ñan waiki ajiri ro 5 ñan 11 aer yiō ilo state eo. Wā eo an ajiri enaj itōk kin joñan ko emōj kōjejet, ilo aer jino tōbrak tōk Nobomba 1 ñan jikin taktō ko emōj an federal kili, obji ko an public health ilo jukjukinbed im jikin wia wūno ko. Kim ej lale aje in wā ko kim ej loi jen kien eo an federal ñan lolorjak ke taktō ro rej loe joñan ko rej aikuj ñan lelok wā ko kein kajuon im kein karuo ñan rinañinmij ro aer.

K: Jikuul ko rej ke aikuj an rijikuul wā/wōr aer mennin kōmelim aer jab bōke wā eo an COVID-19? Ak ñe elukkun naj melim aoleben?

Aikuj an rijikuul bōk juon wā an COVID-19 ej jemlok eo an bukon in jikuul ilo jukjukinbed, emaron oktak jen ta eo OHA ej aikuj ak rōjañ ibelakin state eo.

K: Enaj ke wōr wā ibben taktō ro an ajiri?

Aet, kim ej lukkun kobalok ibben taktō ro an ajiri im eloñlok, elañe ejab eiten aoleb, enaj wōr wā, emaron jino ilo wiik eo an Nobomba 8.

K: Jikin wia wūno ko remaron ke lelok wā ñan joñan yiō kein?

Jikin wia wūno ko remaron kiō waiki ajiri ro joñan aer yiō ej 3 im rūttolok ñan wā eo an būlu im ro 5 aer yiō im rūttolok ñan wā eo an COVID-19. Get Vaccinated Oregon (GVO) [Kein Kabōk Wā](#) mab eo ekoba jikin wūno ko ewōr aer wā an ajiri (wā eo an rūtto ñan 12 im rūttolok ebañ jeral ñan ajiri ro rediklok jen12). Kwōnaj maron kabōk wā eo an Pfizer an ajiri ilo kein liklik naan ko ilo GVO eo ilo jekjon eo “Kain Wā”.

K: Emōj ke ad jelā ñe enaj aikuj bwe ajiri ro 5 ñan 11 aer yiō ren bōke wā in kakajur ko?

Ejab ilo ien in. CDC enaj woñmaanlok in etale melele ko ilo ien ewōr.

K: Jinen im jemen/rikejbarok rej ke aikuj bed ak juon rūtto emaron ke (jen ba juon eo 18 an yiō ej jatin ajiri eo ak jibin ajiri eo) etal ibben ajiri eo?

Ilo Oregon, ajiri ro rerūttolok jen 15 aer yiō remelim in lelok kōmelim ñan jibañ ko ikijen taktō. Ajiri ro rediklok jen joñan yiō in renaj aikuj kōmelim jen jinen im jemen ak rikejbarok.

K: Oktak ko renaj ke kōmman ilo Bojak Jikuul ko, Kejbarok Rijikuul?

Melele kāāl ko renaj kōmman ilo Kein Jeral in Kajur eo an RSSL ilo an OHA kōjejet kūtien melele in kajinet im mennin jibañ ko rekāāl. Mennin ej juon jeral ej woñmaanlok im ej wāween eo ibben aoleb oktak ko rej jelōte rijikuul ro im rijeral.

K: Imaron ke likūt ajiri eo neju ilon juon kilaaj “emōj an aoleb wā”?

Ekelel in enaj wōr ñan jinen im jemen im rijikuul ro.

K: Ak ñe ajiri eo neju enaj 12 an yiō ikōtaan wā eo kein kajuon im kein karuo?

Ilo wāween in, emaron wā eo an ajiri ak karre eo an rūtto remaron lelok ñan wā ko ruo.

Maroñ loe beba in: Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wāween ko jet einwōt ukok ko, jeje kileb, ak jeje ko an ribilo. Kebaak COVID-19 Communications Unit (Jikin Bōk Melele kin COVID-19) ilo 1-971-673-2411, 711 TTY ak COVID19.LanguageAccess@dhsosha.state.or.us.